

(ciep geiz gongq)

Yaepyet, daeglan rimbi lo, dahbawx yaek bae caeuq daeggvan dajhong, de naeuz song boux vunz romcienz cungj beij bouxdog rom ndaej vaiq di, rom ndaej ngaenz le couh mbouj caiq yungh youq rog guh baenzlai sinhoj, daeglwg lij iq, de yaek bae mbouj dwg yaek youq hix mbouj dwg.

Buzsam naeuz: “Daeglan youq ranz caeuq gou, mwngz cuengqsim bae ba, gou itdingh guenj ndei de.”

Dahbawx naeuz: “Reihnaz raeuz hawj vunzmbanj bau ba, yienghneix mwngz cij ndaej cienzsime bae goq lwgnyez, gou cix onjsim.”

“Ndei, ndei, reihnaz bau hawj vunz guh ba, gou ndeindei ciuqgoq daeglan majhung.”

Daj seizhaenx hwnj, Buzsam mbouj yungh dak ndit rwed fwn bae guh hongdoengh lo. Ndaw ranz ciengx miz song duz mou, cib geij duz bitgaeq, aen suenbyaek bakdouranz haenx ndaem miz byaekgwn byaek-mou, gij hong Buzsam couh dwg dajleix doenghgij hongranz neix caeuq ciuqgoq daeglan.

Youq lajmbanj, bouxgeq haj roekcib bi lij suenq dwg boux vunz ak guhhong ndeu, gyoengqde guh sat hongranz, lij bae doengh bang bouxcoz guh di hong gyoengqde guh ndaej haenx. Gyoengq bouxdohi Buzsam moix baez byaij gvaq bakdouranz Buzsam, raen de ndaej youq lajraemh daiq lan, cungj haenh naeuz Buzsam mizfuk lai.

Ndwenngoenz youq ndaw riu-nyum song buzlan neix byaij bae. Yaepyet bi ndeu youh gvaqbae lo. Buzsam doiq gij saedceij neix muenxeiq dangqmaz, hix gamjdaengz vuenyungz raixcaix.

Ranznden Buzseiqliz ranz Buzsam ceij gyawj, de seiz mbouj seiz daeuj caeuq Buzsam lwnhgoj.

Miz ngoenz ndeu banhaemh, Buzseiqliz bae doengh maranz cawj caeuz, dingqnyi song duz mou Buzsam “ngudngud” heuh dwk rwenz doengh gwnzmbwn. “Buzsam ha, ngoenz-ngoenz youq ranz lij ce hawj duzmou baenzneix iek!” Buzseiqliz ndawsim gag



naeuz.

Buzseiqliz cawj ndei byaekcaeuz le, bae ranz Buzsam yawjyawj. Song duz mou baez raen vunz daengz henz, heuh dwk saet hwnj saet roengz.

“Yi, yah neix bae gizlawz? Douranz haep baenzneix caed.”

“Buzsam, Buzsam, youq ranz lwi?” Buzseiqliz doq bongx dou doq heuh, bongx geij baez cungj mboujmiz vunz dapwngq, baez sijsaeq dingq,

dingqnyi sing daej lwgnyez daj ndaw ranz cienz okdaeuj.

“Mbouj mizmaz saehrwix ok ba?” Buzseiqliz ndawsim diuqbubbub, ganj-vaiq maranz, dinglingz daeglwg caeuq dahbawx hix ma daengz ranz, Buzseiqliz lwnh gij saeh geizheih ranz Buzsam hawj gyoengqde nyi, gyoengqde dingq le sikhaek buet daengz ranz Buzsam hemq Buzsam, mbouj dingqnyi Buzsam han, cij dingqnyi ndaw ranz

cienz daeuj sing daej lwgnyez.

“Mbouj ndei!” Daeglwg Buzseiqliz gangj sat, fwngz vax dawz ndaek rin ndeu “bang bang” dub vaih congchueng, daj gizhaenx ndonj haeuj ndaw ranz bae, cij raen Buzsam yiet soh youq gwnzmbonq, gaenq dai ndongj lo, aennaj de nyaeuqgoz, daeglan iqt haenx naengbak hawq-hangq, ninz youq henzndang daxbuz, miz heiq mboujmiz rengz dwk ndaejngeungeu.

Dahbawx Buzseiqliz umj lwgnyez coh veiswnghsiz ndawmbanj buet bae…… Buzseiqliz daej naeuz, ngoenz-lwenz mwngz lij ndeindei ne, seizneix mwngz……

Canghyw daeuj yawj le naeuz, Buzsam dwg deng amq myaiz ndeu saekdimz congcheiq cix baenz-neix…… Daeglan duetraemx gvaq-bouh ca di hix……

Daeglwg Buzsam got aen guencaiz daxmeh de daej naeuz: “Daxmeh, gou mbouj hauqswnh, gou mbouj wnggai lizhai mwngz……”

(sat)

Goengheij Raeuz Baenzdoiql

恭 喜 咱 成 双

□Suh Dasingh /苏大星

Sai: Cou daengz yawj mbwn sang
Va ’ngaex rang doh dei
Daemz rangh geij goengleix
Duj beij duj ndei ngonz

Sau: Va ’mbu seizcou hai
Deq mbajgvai daeuj lienh
Duzlawz mbin mbouj bienh
Buenx gyoengq lienh dauq ndwi

Sai: Beix siengj bae mbaet va
Hwnj bya nanz bin dat
Oen lai rin youh gat
Mbatlawz cij daengz fwngz

Sau: Gwnzlaeuz hai va gyaeu
Yaek bae couh daeuj vaiq
Ndaw sim cibfaen maij

Geijlai mbouj cuengq fwngz

Sai: Nueugx lumj duj vamoiz
Youq gwnzndoi hailangh
Rwi mbin daeuj guh ’angq
Mbaj mbin sang daeuj gyaez

Sau: Nuengx caen lumj vamoiz
Youq bangxndoi mbe naj
Beix yaek siengj daeuj lah
Dap giuz ma doxraen

Sai: Nuengx lumj vahaijdangz
Daengx ndang hom youh moq
Beix siengj byaij bae coh
Gyangroen doh oen lanz

Sau: Nuengx dwg vagimcw

Bet nyied fw ma cimz
Danghnaeuz beix miz sim
Rin dimz oen daeuj swnh

Sai: Nuengx lumj vamauxdan
Hai fanh ceij cien hoengz
Daengx ndang ndingloengloeng
Soengq saek duj hawj go

Sau: Mauxdan bengz lumj gim
Miz sim cij ndaej lumh
Daengzcog dai roengz gumz
Doxumj cij dwg gyaez

Hab: Reuz guh va ’moegminz
Hai henz rin ndinghoengh
Byaifaex venj daengloengz
Goengheij raeuz baenzdoiql

Dandan geij ndwen neix, Veiz Gozcingh cix gig gvansim Liengzdungz swnghcanj caeuq gensez, gvansim nungz、ndoeng、langhciengx、nungzfu、dwkbya、bya ndoi、raemx、nazreih、faex、roen gij hong dieg neix. Mboujlwnh dwg vunzlai gwndaenj gaenjau gijmaz, lijdwg vih cauhfuk lwglan bae guh gviveh ciengzgeiz, de cungj ngeixnaemj caez lo.

De lai baez caeuq gyoengq gunghcozdui naeuz: “Raeuz caezgya daeuj Liengzdungz, couh aeu caeuq ganbu vunzmbanj Liengzdungz doengzcaez guh ndei swnghcanj gensez, guh ndei gviveh. Mwh gunghcozdui caengz deuz, raeuz itdingh aeu guh bang gensez goekdae ndaej ciengzgeiz miz cozyung haenx okdaeuj louz hawj ndaw mbanj.”

Youq de sonyinx caeuq dukcoi lajde, gij swnghcanjdui Liengzdungz aenaen cungj laebbaenz nungzgoh siujcuj, daih dingzlai cungj saedhengz

genj yungh ceh ndei, hablex coq bwnh、habdangq ndaemdeih、hablex rwed raemx、yawhfuegz fatnon fatbingh、habseiz dak naz daengj lai aen cosih ndaem naz gohyoz, hawj gij dancanj haeuxgwn caeuq cungcanej haeuxgwn cungj ndaej demcanj haemq lai. Aenaen swnghcanjdui cungj banh miz suenmak caeuq diegciengxmou, miz mbanj benq lij doxgap banh miz aencangj cunghab gyagoeng、dieg-fuyez, demlai souhaeuj cizdij.

Vihliux gaijbienq gij diuzgen

swnghcanj Liengzdungz, hawj nungz-yez dieg neix gvaqlaeng guh ndaej engq ndei, Veiz Gozcingh iugouz coihbingz gij nazreih Liengzdungz, guh baenz gij nazreih guenq ndaej、baiz ndaej、yungh ndaej gihgai haenx.

Youq Liengzdungz baenzlawz guh nazsuenvaq, seizhaenx gunghcozdui dawz ok song dauq fueng’ anq hawj vunzlai bae yaenglwnh. Dauq daih’ it dwg daih coihbingz, vat sang dienz daemq, cienzbouh canj bingz, haenq-

guh geij bi, hawj Liengzdungz ndaej guh baenz gaiq diegbingz ndeu; dauq daihngaih dwg coihbingz siuj di, ciuq gij dieghingz bonjlaiz haenx, guh baenz gij nazmbaek caezcup. Dox-yaeng dingh le, daih dingzlai vunz laihnaeuz, dauq fueng’ anq daih’ it sai rengz laux, yungh ngaenz lai, engqgya youqgaenj dwg de yaek buqvaih caengz namhsoeng, hawj gohaeux haujlai bi cungj deng gemjcanj.

(caengz sat)